

non per se semper & omnibus, tamen per accidens & quibusdam, quando nunquam aliquid tam perniciosum est uni, quod alteri non sit proficuum. Sanè Cometa Anni 336. ante nat. Chr. Alexandro M. regnum ineunti, & victoriam contra Persas obtinenti, felix fuit: itemq; Mithridati imperium amplissimum & victorias reportanti Cometa Anni 119 ante nat. Chr. Justinus l. 37. Et Augusto imperii Omen inde sumentis Cometa anni 44. ejusdē Æræ: Carolo M. tunc imperatori creato An. 800. post nat. Chr. &c. Sed cū felicitas hæc Cometam insequens plerumq; paucos tantum concernat, idq; ferè semper maximo cum aliorum damno, vel periculo, igitur non immeritò à potiori denominationem desumentes Cometas omnes Signa irati Numinis, & mali propterea vel intentati, vel, si non placetur Numen, certò futuri pronunciamus. Cæterum ut apud omnes in confessio est, mala multa si non omnibus, tamen plerisq; mortalibus portendere Cometas; ita temerarium videtur asserere, quæ vel quibus illa portendantur. Univesale phænomenon est Cometa, motu suo plerumq; totam mundi sphaeram circumcirca perlustrans. Aut igitur toti mundo infestus omnibus bellum, pestem, famem denunciat, quod quidem non speramus, licet fieri possit, ut ab apparitione alicujus Cometæ singulis in terræ locis per annos quosdam succedentes aut bellum, aut pestis, aut fames, aut omnia simul, modò hîc modò alibi grassentur, ut factum hucusq; post Cometam anni 18. legimus; aut uni certi regioni solùm ex singulari decreto divino talia portedit. Sed quænam est illa regio? An quæ signo zodiaci subjecta quod Cometa occupavit? nugæ. An ejus punctum verticale pertransiit Cometa? forsan. Quid verò si motu planetico incedens à meridie declinat in septent. vel contra, quemadmodum hic noster, nonne per omnium vertices transit? Sed hîc attendendi forsan sunt termini ortus & evanescentiæ. Verùm hi non minùs dubiam reddunt regionem Cometæ destinatam, quàm signa zodiaci, partim quod plerumq; nos lateant, partim quod motu primo delatus ab ortu in occasum s. oriens s. evanescens Cometa uno die peripheriam describat, quæ plures regiones amplexu suo simul comprehendit. Incertum igitur est ex his ut ita dicam fundamentis, si toti mundo periculum non minatur Cometa, cui nocere vel prodesse velit in specie, nisi forsan ad hujus vel illius regionis statum, factas præsentis Cometæ regiminis vel mutationes, vel instaurationes &c. respiciendum, quomodo Cometa noster ad Angliam non immeritò propter regiminis mutationes: ad Romanum Imperium, propter comitia eodem tempore instituta, quo Cometa primùm apparuit, & ad alias regiones propter similem causam præ aliis applicari posset, tanquam futuri successus hîc felicitis illic adversi præco.

Cæte-